

驅頭定髮將王福五方統攝將周公浩東方
 青赤真精年直天罡將李文直南方赤炁真
 精月直天罡將劉真武西方白炁真精日直
 天罡將耿守信北方黑炁真精時直天罡將
 溫永清年直使者李文正月直使者管咄刺
 日直使者董天仙時直使者韓溫信天罡大
 力將劉永天童大將陳甯天衝大將丁公文
 天魔大力將丁無之中天斗嶽斬鬼將莊浩
 方斬頭定髮將潘子虛中天斗嶽大將丁存
 覆日遊神將鄧化大力蓬頭力士周元聖斬
 頭灑血將章日明縛鬼傳送將李伸信斗中
 提頭灑血張使者江翟趙陳四大將軍馮使
 者三元五德大將軍東方追符搜鬼將潘子
 虛南方追符搜鬼將張天威西方追符搜鬼
 將李其北方追符搜鬼將陳光明掌印天丁
 力士勾子民天界直符焦公奴地界直符鄭
 元喜水界直符張元伯考召院三十六負大
 將七十二負將吏三十六負行法童子直地
 土地王文公上清九符將吏

諸訣目

玉清訣中指 中篇 玉皇訣中指 大熱訣中指 北帝訣中指 上清訣中指 太清訣中指 天丁訣中指 天門訣中指 破鬼肚中指 五雷訣中指 開印訣中指 三台訣中指 日君訣中指 月君訣中指 天罡訣中指 穿鬼心中指 破鬼肚中指 五雷訣中指 藏魂訣中指 金刀訣中指 變神訣中指 六丁訣中指 紫微訣中指 地軸訣中指 斗印中指 紫微訣中指 地軸訣中指 斗印中指

上清天心正法卷之六

上清天心正法卷之七

禹步法

坎雙良隻步交乾震上雙行允亦然坤隻離
 單雙步巽三台歸去便朝天

步畢結紫微印乾上化身來白鶴飄飄直

至天門面朝帝君心事奏達乞賜救命如

意又却從天門返步歸巽於靜室粉壇逐

日子午時先壇前禹步却披髮仗劍從乾

上入壇心以元子正坐瞑目呪曰

乾元亨利貞日月蔽吾形萬災不能干壽與

天同齡急急如律令

又呪曰

吾是道門行法之主水火刀兵不能及吾疾

病盜賊不能及吾吾與日月同光所向所行

萬事吉昌急急如律令

却望置星吞三光符點云所向所從如符

所救急急如律令却從巽上出逐日五更

朝斗取三光正氣吞入腹中拍訣念呪曰

上告天罡大聖日月尊星願降正氣灌注弟

子某甲五臟六腑之中八萬四千皮毛之內

去除邪氣去除鬼氣去四病使某甲
觀邪邪崩觀鬼鬼滅觀病愈眾邪戩翼人
歸依鬼歸伏急急如律令

出印法用中指挑出存五雷使者三十六
將天丁力士監印使者形儀服飾呪曰

天印靈靈玉皇上帝敕行驅邪法主監印天
丁力士捧行邪道聞之膽碎病者見之安寧
凶惡為禍者滅惡善為福者生急急如律令
入印法用中指勾入呪曰

天丁力士救天印凶惡邪魔化作塵急急如
律令

救符法

右手捧符左手大姆指壓倒二三四指大
指甲拍小指根攔定右手水袖呪曰

北斗七星天中大神上朝金闕下覆崐崙指
揮綱紀調理乾坤貪狼巨門祿存文曲廉貞
武曲破軍輔星大周天界細入微塵何災不
滅何福不臻元皇正氣來覆吾身高上玉皇
紫微帝君太玄之精則曰安魂定魄守護
身形五臟神君各保安寧急急如律令

進符法

敕某神諦聽吾言吾奉玉皇敕佐天行化助
國救民治病除邪扶危立正吾若使汝上天
為吾徑往天曹使汝入地為吾徑往地府使
汝入水為吾徑往水府如使汝往人間即須
徑去捕捉邪魔三界之內應有凶惡鬼神為
人禍者不問高下為吾捉來治病除邪更莫
住滯明承敕命無輒故違違違奉行速去速
來吾在壇前卓劍相待急急如律令

收水法

每月丑日天德月德日遇天雨降收入瓶
中逐月華蓋上望天罡安却用天德月德
日星斗分明時奏之仍獻天罡大聖天德
月德五帝龍君錢馬存聖眾從天門乘黑
雲降下化入水筆中用本師訣後上帝訣
呪曰
天德月德五帝龍君上天節度破軍尊星統
領神將六甲六丁第一威猛最聖最靈救下
神水救度羣生書符篆錄收斬秋精治病除
崇勦絕其形急急如律令

收筆法

甲子庚申六丁六甲日繫之共十二管管
并頭共長七寸一分用紫皂毫三副上應
三台以甲子夜星月見分明時沐浴著新
水行持燒香用表焚奏獻天罡大聖錢馬
面華蓋下以蠟茶十二盞指本師訣存六
丁六甲下降化筆為十二神將先化土地
錢次六丁六甲呪曰

天丁力士六甲六丁聰明正直操惡敢靈魔
神畏懼邪鬼心傾佐天行化掃蕩秋精助吾
道法救護羣生救下神筆速降威靈書符殺
鬼滅跡除形上帝救下急急如律令

收墨法

輕墨二兩辰砂桃油柳油椿油煙各一分
以少許清酒煮卓艾膠漫之五月五日午
時作呪曰
六甲六丁神墨靈靈五老真氣北方化生玄
元道本誅斬邪精人神清淨鬼杖滅形行符
奏牒奉命敕行急急如律令
神訣

斗訣二指

本師訣二指

變神訣九作斗訣狀中指中

日君訣大指二

月君訣四指

功曹訣三指

天獄法

凡發文字及篆符先變神後三步下罡存左
 右有捧劍印青衣童子自身乃驅邪院使步
 七星罡令人隨步插竹子後用左繩一條連
 星繫之用來書追鬼符以錢伍百貫於獄門
 前燒存追鬼符使若急脚狀便隨火追追鬼
 訣以大姆指押二三指指四指中節呪曰
 天獄靈靈又云却於呪上指上帝訣天丁訣
 次書云唯上帝敕存帛子作墨雲霞變化此
 斗作黑暗獄至卓劍相待拍卓劍訣於房門
 上貼天獄二字獄如陽日作以石灰陰日以
 地及天獄八星各闊七寸武曲星下立獄獄
 闊一尺二寸用青竹九莖各長四尺九寸星
 并獄各以細灰為之竹子逐位標定乃以竹

為直獄將吏却以帛帛子九片各長九寸闊
 一尺二寸二分以竹子量下七寸以帛帛子
 繫定未書八星名於帛帛子上其所出曉示
 文字於天獄竹子下量上七寸下貼之日閉
 夜開以防動觸並不用燈燭如治病以罡指
 病人房餘所行雜事即以罡指月建如經兩
 宿天獄上未見顯露蹤由却依前出文字催
 承帖神將

生天臺式

於生氣方上作用香茶供養以紙榜子云奉
 祖師上清大帝敕漫多阿鬼阿佉尼鬼尼佉
 魔鬼阿伽邪鬼婆羅尼鬼提婆黎鬼阿昆羅
 鬼又書唵吽吽眾神稽首砂以甘松沉香檀
 香水拌砂上劃卷云生天臺三字用五果香
 燈三度祝白事意伏乞上清大帝敕降指揮
 依臣所請施行下闊二尺高三寸中闊一尺
 五寸高二寸上闊一尺高一寸上層用鏡一
 面安中心中層四角以燈四盞壇前點七星
 燈以柄指病人壇前五果臺子供養及四方
 各用香燈及菓都匠符四道鎮四角背用牌

子一所三指大長六尺掃地面上書云稽首
 祖師上清大帝又用竹七尺長手指大掃於
 壇後七寸八地又自上量下七寸用帛帛七
 寸繫却結果呪水一依常用後卓劍水於天
 門上即誦呪曰

天蒼蒼地皇皇傳屍之鬼不得伏藏速離吾
 獄急付他方敢有拒命斬付鏹湯吾行正法
 邪鬼敢當急急如律令

後備錢馬贈儀雜錄稿設神將素寫狀詞文
 帖解押邪鬼赴獄收管斷遣仍即時罷天獄

立獄華蓋方

正月好二月好逐旬中甲子旬酉甲戌旬未
 甲申旬巳甲午旬卯甲辰旬丑甲寅旬亥

上清天心正法卷之七